



UNIVERSITÄTS-
BIBLIOTHEK
PADERBORN

Horologium Spirituale Scholasticorum Societatis Jesu

Dirckinck, Johann

[Osnabrugi, 1696

Audiendi de votè sacrum.

Nutzungsbedingungen

[urn:nbn:de:hbz:466:1-55025](https://nbn-resolving.org/urn:nbn:de:hbz:466:1-55025)

portare, alleluja. Ave II. resurrexit sicut dixit, alleluja. Ave. Vers. Gaude & latare Virgo Maria, alleluja. R. Quia surrexit Dominus verè. alleluja. Subjungitur: Oratio paschalis: Deus qui per resurrectionem Filii tui &c. In quadragesima, omititur alleluja. Vel servatur praxis, quæ meridie, vel vesperi præscribitur.

INSTRUCTIO

De auditione Sacri.

PRAXIS I.

Audiendi devotè Sacrum.

I. **P**Ræmittenda semper quadruplex intentio, sacrumq; offerendū. 1. Tanquam sacrificium latreuticum, ad cultum, laudem, & gloriam Dei omnipotentis. 2. Tanquam Eucharisticum, in gratiarum actionem pro beneficiis. 3. Tanquam propitiatorium pro peccatis. 4. Tanquam impetratorium, pro obtinendis beneficiis, plurèsq; aliæ primariæ & secundariæ intentiones conjungi, præfigiq; sacro possunt, cum sacerdote ante descensum intentionem suam formante.

II. Praxis prima, & meo judicio optima

foret (modò tempus pro officio B.V. vel rosario extra missam recitandi suppeteret quod Magistros non rarò deficit) ut auditor sacri unà cum Sacerdote, tam ea quæ alta voce legit, quàm quæ submissè, simul recitaret; & affectus in verbis & orationibus missæ latentes corde exprimeret; v.g. cum Sacerdote recitans tacitè *Confiteor* contritionem eliceret. Ad *Kyrieelison* Dei misericordiam imploraret; ad *Gloria* Deum laudaret, glorificaret, benediceret. Ad *Evangelium*, tanquam Christi verbum audiens, sedulò auscultaret, quid loqueretur Dominus. Cum elevante Hostiam Christum crucifixum patri offerret, cum communicante spiritualiter communicaret, & gratias ageret. Hæc inquam praxis est nobilissima. Cum verò missale semper ad manum habere nequeat, posset missale aliqua, v.g. de SS. Trinitate, vel omnibus Sanctis cum Canone missæ in Libello descripta circumferri. Hæ enim preces missæ ab Ecclesia institutæ, selectissimæ sunt & sublimes affectus continent: quibus meliores vix invenies.

III. Vel certè, dum Sacerdos submissè orat

orat, posset sacri auditor, pii quidpiam meditari, attendendo ad varia mysteria: Incarnationis, passionis, mortis, resurrectionis in missa representata. Ea verò, quæ altâ voce Sacerdos pronuntiat, cum eodem submissa voce recitaret: hac ratione Libello, aut sacri descriptione haud indigeret.

IV. Hunc verò modum audiendi sacrum expresse commendavit P. Claudius Aquaviva, in binis responsis ad duas Gallicæ Provincias datis. Et quidem 1. Anno 1588. 15. Nov. P. Provinciali Aquitanix ita scripsit: De rosario missæ tempore recitando, nostrum quidem desiderium & voluntas esset, ut omnes nostri, tempus illud adeò sanctum meditationi potiùs tanti mysterii, impenderent, quàm vocali ulli orationi: sed tamen, si cui danda est licentia, ut aliquid recitet, debet fieri cum delectu, qui significatur 4. p. Constit. ut scilicet pro ingeniorum & temporum ratione, Superiores judicent, quid sit melius. Atque hoc ipsum intelligendum est tantum, dum sacerdos submissâ voce utitur, ut Constitutiones expresse indicant: nam in reliquâ parte missæ non est permit-

tendum. Deinde Anno 1609. 16. Martii ad Provinciam Lugdunensem, idem scribit: Rosaria quæ nostris injunguntur a catalogo precum, & in suffragiis, non debent tempore sacri recitari, sed alio. Hæc igitur est mens P. Claudii, fundata in Constitutionibus.

PRAXIS II.

Audiendi Sacrum.

I. **T**emplum ingressus mox Christum in Venerabili Sacramento absconditum adora; dicens: adoro te devotè latens Deitas. Et intentionem præmitte.

II. Animum reflecte ad præcipua fidei nostræ mysteria in sacrificio missæ adumbrata v. g. Sub *introitu* & *confiteor* cogita peccatum primorum parentum. Sub *Kyrie* Patres in Limbo ad Messæ adventum anhelantes. Sub *Gloria*, Christi nativitatem. Sub *Evangelio* prædicationem, sub *elevatione* crucifixionem. Sub *communione* sepulturam. Sub *benedictione*, ascensionem in cælum. Sub *Evangelio S. Joannis*, reditum ad judicium. Simulq; mysteriis hisce convenientes affectus excita.

III. Post *Sanctus*, exemplo S. Francisci Borgiæ, sub memento vivorum, tu quoq; eorundem memento, & in sanctas quinq; Christi plagas commenda sequentes. —

1. O amantissime Jesu in vulnus sacratissimum dexteræ manus tuæ, commendo tibi Pontificem, Cardinales, Archiepiscopos, Episcopos, Pastores, Sacerdotes, omnesq; Clericos ac Religiosos, præsertim Societatis nostræ, & hujus Collegii. 2. In vulnus sinistræ manûs tuæ, commendo Tibi Imperatorem nostrû, Reges ac Principes Christianos. 3. In vulnus dexteri pedis tui, comendo Tibi Parentes meos, Fratres, Sorores, Cognatos, Amicos & Benefactores. 4. In vulnus sinistri pedis commendo Tibi omnes infideles, Hæreticos, & Peccatores, præsertim agonizantes. 5. In vulnus sacratissimi lateris tui, commendo tibi, ô Jesu! corpus & animam meam, vivens

& moriens. Ac per sanctissima vulnera tua te rogo atque obtestor, ut mihi, prædictisq; omnibus, gratiam copiosam, charitatem perfectam, de hostibus visibilibus & invisibilibus victoriam, & felicitatem æternam largiri digneris Amen.

IV. Ad sacræ hostiæ elevationem, pectus tundens, dic: Adoro te Domine mi Jesu Christe, & benedico tibi, quia per sanctam crucem ruam redemisti mundum. Hoc suggerit S. Xaverius L. 2. ep. nov. ep. 2. Deinde subjunge: O Jesu dilectissime! per gloriosum corpus tuum miserere mei & pascere me. Per sanctissimam animam tuam, miserere mei & sanctifica me! Per sanctissimam divinitatem tuam miserere mei & salva me.

*Ave verum corpus natum
De Maria Virgine,
Verè passum, immolatum
In cruce pro homine;
Cujus latus perforatum.
Unda fluxit & sanguine
Esto nobis prægustatum.
In mortis examine.*

O JESU! ô pie Fili Mariæ, miserere nobis. Quando elevatur sacer calix, terpectus tundens, dic: Adoro te sanguis sacratissime Domini mei Jesu, qui fuisti effusus in cruce ad salvandos peccatores & me. S. Xaver. l. c. *Deinde*

O Jesu amantissime! per pretiosissimū sanguinem tuum miserere mei, & lava me. Per sacrosancta vulnera tua, miserere mei, & sana me. Per dolorosissimam mortem tuam, miserere mei & vivifica me.

Subnecte

Salve nobilis & pretiose sanguis de vulneribus Domini mei JESU Christi profluens, & peccata totius mundi abluens, abflue, sanctifica & custodi animam meam in vitam æternam. Amen.

V. Ad memento defunctorum, præter animas propinquorum & Benefactorum, in SS. Christi vulnera commenda 1. Animas liberationi proximas. 2. Animas suffragiis maximè destitutas. 3. Jesu & Mariæ amori singulariter addictas. 4. Diutiùs in purgatorio aliàs detinendas. 5. Animas maximè Deum cœlo glorificaturas, ut virtute & meritis hujus sacrificii, ad amabilissimum

DEI conspectum protinus admittantur.

VI. Communio spiritualis, de qua S. Thomas 3. p. q. 73. a. 3. ait: Potest autem aliquis in Christum mutari & etiam incorporari voto mentis, etiam sine huius Sacramenti participatione. Fit autem hæc communio spiritualis (de qua etiam agit Concil. Trid. Sess. 13.) sive sumptio spiritualis huius Sacramenti per votum, vel desiderium ex viva fide, quæ per dilectionem operatur, & quod ex amore unionis proficiscitur; sic enim parit fructum spirituales majoris unionis cum Christo.

Praxis autem hac esse potest.

1. *Agnus Dei.* Contritionem & fervens Christum Dominum suscipiendi desiderium elice dicens cum S. Bernardo: Desidero te millies, Mi Jesu quando venies. 2. *Ad Domine non sum dignus.* Agnosce indignitatem tuam, ob infinitam Dei maiestatem, ob tuam vilitatem, ob peccatorum multitudinem, eamque indignitatem percussione profiteri. 3. Sacerdote hostiam sacram sumente, renova desiderium Christum sumendi, eidemque te intimè uniendo, & amando, voluntatèque tuam cum

eo conformando, te eidem Spiritu conjun-
ge, & aspira :

Credo in te, ô suprema Veritas!

Spero in te, ô aeterna Felicitas!

Amo te, ô infinita Bonitas!

Adoro te, ô immensa Majestas!

Gratias ago, ô summa Liberalitas!

Subjunge oratiunculam S. Ignatio fami-
liarem : Anima Christi sanctifica me. Et
ex consilio S. Xaverii, orationem pro con-
versione infidelium : Aeternae rerum om-
nium effector Deus. L. 2. ep. nov.

VII. Sub benedictione Sacerdotis, tan-
quam ab ipso Christo, in caelum conscen-
dente benedictionem accipe. Et sub Evan-
gelio S. Joannis pro incarnationis benefi-
cio gratias age, cor tuum ad Christum re-
cipiendum offer, lumen à Luce Mundi pe-
te, & gloriam ejus, quasi Unigeniti à Pa-
tre te aliquando visurum spera.

HORA VI.

Praxis orandi ad horæ sonum.

I. **R** Ecita salutationem angelicam. 2.
More S. Ignatii & S. Caroli Bor-
romei, reflecte ad labeculas horâ illâ elapsa
con-